

**ZAPISNIK SA 43. SJEDNICE UO SAMOSTALNOG SINDIKATA RADNIKA U BHRT-u, KOJA JE  
ODRŽANA U UTORAK 26.06.2018. GODINE**

**Prisutni:** D.Smital; S.Topalić; G.Brkić; M.Grbo; M. Baručija; D.Miljević; M.Herac; O.Bukić; B.Hamzagić; E.Agić; E. Fočo;

**Odsutni:** E. Čengić; Dž. Kahrica; N. Arnautović; N.Hodžić; M. K. Pašalić; N. Žuga – opravdano

**Gosti:** M. Helać, J. Sogović

Dnevni red:

1. Zapisnik sa 42. sjednice
2. Aktuelna situacija u BHRT-u
3. Rad u Sindikatu (D. Smital)
4. Finansije (D. Karšić)
5. Ugovori
  - Adriatic
  - Reumal
6. Dodjela pomoći (G. Brkić, M. Grbo)
7. Razno
  - Parking / izvještaj (M. Herac)
  - Fitpass / informacija

**AD 1.** D.Smital je u 12.40 sati na osnovu člana 35. Statuta Samostalnog sindikata radnika u BHRT-u, otvorio 43. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 42. redovne sjednice je jednoglasno usvojen.

**AD 2.** D.Smital je informisao UO da je održan sastanak sa generalnim direktorom i pomoćnicom za razvoj 18.06.2018.godine u vezi pitanja koje je sindikat uputio, a to je problem u IT Centrima (inicijativa D. Miljevića i A. Džidića) i obračun plaća na državni praznik (inicijativa E. Čengića).

Na sastanku vezanom za obračun plaća prisutni su bile i kolege iz finansija i pravne službe BHRT-a. Ono što je evidentno i što je prezentirano na sastanku je da se osnovica sata umanjuje odnosno povećava u odnosu na broj dana u tekućem mjesecu. Generalni direktor je istakao da će se ovaj problem morati riješiti u novoj sistematizaciji.

Kada je u pitanju zahtjev kolega iz IT Centra za sastanak, sindikat je dobio informaciju da nije utvrđen bilo kakav prekršaj od strane kolega iz ITC-a, kao i da je menadžment obavio razgovore sa direktorom BHT-a i urednikom IP BHRT-a kako bi se riješili problemi koje su iznijele kolege iz ITC-a.

Sastanak vezan za problem na reportažnim kolima je zakazan za 26.06.2018.godine u 11 sati.

Sindikat nije dobio informaciju u vezi produženja ugovora sa Elektroprivredom obzirom da je direktor RTVFBiH na odmoru pa se još uvijek ne zna kada će se i na koliko produžiti ugovor.

Sistematizacija i reorganizacija je pripremljena i u međuvremenu su dobili upute od kolega iz DW da je ta organizaciona struktura preširoka i da se treba smanjiti broj organizacionih jedinica, pa su upućeni zahtjevi direktorima BHT-a i BH Radija da dostave prijedloge programa koji će se raditi, te na osnovu toga će se praviti potreban broj izvršilaca.

Sastanak koji je planiran neposredno prije sjednice UO, a vezan za probleme na reportažnim kolima nije održan. D. Smital je izvjestio UO da je oko 10.25.sati dobio poziv od sekretarice sa upitom u kojoj sali će se održati sastanak i koliko je ljudi sindikat planirao da prisustvuje istom. Generalni direktor je usmeno neposredno prije sastanka obavjestio D. Smitala da neće moći prisustvovati planiranom sastanku zbog obaveza u PSBiH. M. Helać je istakao da je dogovoreno da se održi sastanak sa generalnim direktorom i pomoćnicom za razvoj i da se nije održao, jer nije ispoštovan od strane generalnog direktora, pa je još jednom tražio od UO Sindikata da se isti dopis sa istim zahtjevom za održavanje sastanka ponovno uputi na iste adrese. M.Helać je istakao da se radi o problemu svih ljudi koji učestvuju u realizaciji, a ne samo ljudi iz produkcije i da se radi „o vreći problema“.

SSR u BHRT-u će tražiti da se ponovo zakaže sastanak sa menadžmentom, po pitanju rada na reportažnim kolima u skladu sa zaključkom sa 42. sjednice. Termin održavanja sastanka će predložiti menadžment. Ovaj zaključak je jednoglasno usvojen.

D.Smital je informisao UO da su u toku izmjene Zakona o radu u institucijama BiH i izmjene Zakona o porezima u FBiH, kao i izmjena Zakona o sistemu i servisu BiH (Komisija PD PSBiH 03.07.).

D.Smital je izdvojio iz Finansijskog izvještaja BHRT-a koji se može naći na stranici parlamenta slijedeće:

1. Dugovanja radnicima 2016- 7,8 miliona; 2017- 12,5 miliona
2. Dugovanja entitetskih emitera RTVFBiH - 23,8 miliona; 17,8 usluge, 6 miliona taksa; RTRS – 20,8 miliona, uglavnom takse.

**AD 3.** Obzirom da se bliže izbori, D.Smital je napomenuo da je mišljenja da će pojedine političke partije pokušati provući svoje programe kroz rad sindikata što smatra nedopustivim. Istakao je da politika bilo koje vrste i bilo koje partije neće moći uticati na rad ovog sindikata.

D.Smital je istakao da je sindikat dobio informaciju da je urednik IP-a na kolegiju citirao dio dopisa iz IT Centara koje su uputile kolege iz Zenice i Banjaluke, a koji je upućen samo članovima UO sindikata.

Istakao je da su svi zaključci i odluke koje donosi UO javni, ali da se ne smije dešavati da se stavovi pojedinih članova UO ili drugih organa sindikata prenose menadžmentu, kako te kolege ne bi trpile pritisak od strane menadžmenta zbog svog stava.

Također je iznio da u skladu sa Statutom svaki član UO u procesu donošenja akata ima pravo na svoj stav, ali da se mora pridržavati odluka i zaključaka UO, bez obzira na svoj stav u procesu odlučivanja

Smrtnica za Ramiza Čustovića nije predata, iako je D.Smital obavjestio predstavnika voznog parka i sve pripremio kada su upitanju novčana sredstva. O. Bukić je izvjestio UO da je zadužio kolegu u voznom parku M. Muratovića da to uradi jer on nije bio u gradu. Istaknuto je da se ove stvari ne smiju dešavati, posebno jer su to članovi sindikata. Prijedlog D. Smitala da se priprema izborne Skupštine uvrsti kao tačka na oktobarsku sjednicu UO Sindikata je jednoglasno usvojen.

Prijedlog da se julska sjednica UO Sindikata održi 24.07. je jednoglasno usvojen.

**AD 4.** Blagajnički izvještaj je primljen k znanju.

**AD 5.** Adriatic Izvještaj za maj 2018 je primljen k znanju.

M. Herac je izvjestila da je bila loša početna komunikacija sa Reumalom u vezi predračuna i da je sada sve ok te da su već neki članovi direktno otišli u Reumal.

**AD 6.** Komisija za dodjelu finansijske pomoći (G.Brkić, M.Grbo) predložila je da novčanu pomoć za mjesec maj dobiju sljedeći članovi; Adisa Dedić Kološ (V dio) 200 KM, Hajro Rožajac (III dio) 300 KM, Danijel Lepir (II dio) 300 KM, Vesna Čosović 300 KM. Ukupno: 1100 KM. Prijedlog komisije je jednoglasno usvojen.

**AD 7.** D.Smital je informisao UO da je sindikat obezbjedio za sve uposlenike pogodnosti kupovine Fitpass kartice po cijeni od 40 KM koja obezbjeđuje ulazak u fitnes centre i bazene u cijeloj BiH.

D. Smital je izvjestio UO da je Dž. Jusufbegović, izvan inicijative sindikata, predložila da se pokuša postaviti rampa za parking na samom ulazu. M .Herac je izvjestila sindikat da je razgovarala sa A. Čustovićem koji je bio jako konstruktivan, a kojem je prezentovala nacrt sa kamerama i rampama. A. Čustović je u tom razgovoru istakao da bi se preraspodjelom ljudi mogao obezbjediti adekvatan broj izvršilaca koji bi radili na samom ulazu na parking. Zaključak da M. Herac dostavi UO SSR u BHRT-u nacrt i predračune za parking za slijedeću sjednicu je jednoglasno usvojen.

43.sjednica je završena u 14.00. sati

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital